



GOBIERNO DEL PRINCIPADO DE ASTURIAS

Llunes, 3 d'ochobre de 2022

El premiu y festival *Nel Amaro* de teatru profesional en llingua asturiana llega a la sesta edición con cuatro obres pa tolos públicos

- El programa inclúi los espectáculos finalistes que concurren al premiu, que van poder vese tolos viernes d'ochobre nel Teatru Filarmónica con entrada llibre

El públicu infantil y mozu ye'l protagonista de la sesta edición del Festival *Nel Amaro* de teatru n'asturianu, organizáu pola Conseyería de Cultura, Política Llingüística y Turismu. La cita va llevar enriba de les tables del Teatru Filarmónica d'Uviéu los cuatro montaxes finalistes del Premiu *Nel Amaro* de teatru n'asturianu promovíu pol Gobiernu d'Asturies.

Les cuatro compañíes finalistes de la convocatoria de 2022 son Kamante Teatro, Carlos Alba, Factoría Norte y Nun Tris Teatro. Les sos propuestes tienen como destinariu principal al públicu infantil y mozu. Los espectáculos van poder vese tolos viernes d'ochobre a partir de les 18:00 horas y la entrada ye llibre. El programa previstu ye esti:

- Kamante Teatro con *Con M mayúscula* (7 d'ochobre).
- Carlos Alba con *Les madreñes vacíes* (14 d'ochobre)
- Factoría Norte con *Aventurina, l'ablana* (21 d'ochobre)
- Nun Tris Producciones con *La sierva patrona* (28 d'ochobre)

Tola información sobre la programación del Festival *Nel Amaro* 2022 pue consultase en www.festivalnelamaro.com.

El *Premiu de Teatru Profesional Nel Amaro*, dotáu con 6.000 euros, se convoca dende 2017 cola mira de consolidar, enriquecer y prestixiar la llingua asturiana y l'leonaviego nel ámbitu del arte dramáticu. La edición pasada del gallardón tuvo como ganador al espéctaculu *La Reina de la guapura de Leenane*, de la compañía Nun Tris.

El premio y el festival lleven el nome del autor turonés *Nel Amaro* (1946-2011), consideráu una referencia na vanguardia teatral n'asturianu. *Nel Amaro* foi amás l'autor al que se dedicó la edición de la Selmana de les Lletres Asturianes en 2021.



GOBIERNO DEL PRINCIPADO DE ASTURIAS